

共同經課 - 1

撒母耳記下十一章二十六節~十二章十三節 a

26 烏利亞的某聽見丈夫烏利亞已經死，就為伊的丈夫啼哭。27 丁憂已經明白，大衛差人導伊到宮內，伊就做伊的某，給伊生一個子。總是大衛所行的事，耶和華真無歡喜。1 耶和華差拿單去見大衛。伊到伊遐，給伊講：「佇一個城有二人：一個好額，一個喪鄉。2 好額的有牛羊真多；3 喪鄉人無甚麼，只有一隻羊種仔就是伊所買來飼的。伊及伊佇遐及伊的子相及長大，食伊所食的，飲伊的杯，暍佇伊的胸前，看伊親像家己的查某子。4 有一個出外人到好額人遐；好額人毋甘對伊的羊群牛群取來備辦互人客食，反轉取喪鄉人的羊仔，備辦來互人客食。」5 大衛大受氣彼人，給拿單講：「我指永活的耶和華來咒誓，行此個代誌的人著死！6 著賠伊的羊仔四倍；因為伊行此個事，也因為伊無憐憫的心。」7 拿單給大衛講：「你就是彼人！耶和華——以色列的上帝按呢講：『我用油抹你做以色列的王，救你脫離掃羅的手。8 我閣用你的主的厝宅互你，用你的主許個某交佇你的胸前，閣用以色列及猶大家互你；諸個若猶掠做小可，我會加添此號彼號互你。9 你啥事看輕耶和華的命令，行伊所看做歹的事？你用刀刮死赫、人烏利亞，就是借亞捫人的刀刮死伊，閣娶伊的某做你的某。10 今刀劍欲永遠無離開你的家，因為你看輕我，娶赫人烏利亞的某做你的某。』11 耶和華閣按呢講：『看啊，我欲對你的家興起災禍攻擊你；我欲佇你的目矚前，用你許個某互你的厝邊，伊欲佇青天白日及你許個某同房。12 因為你佇暗中行伊，總是我欲佇青天白日，佇以色列眾人的面前，行此個事。』」13 大衛給拿單講：「我有得罪耶和華！」

共同經課 - 2

詩篇五十一篇一節~十二節

1 [大衛及拔示巴同房以後，先知拿單來見伊；伊做此個詩，交互樂官。] 上帝啊，照你的慈愛憐憫我！照你豐盛的慈悲擦消我的過失！2 將我的罪惡一盡洗除，亦洗清我到無罪！3 因為，我家已知我的過失；我的罪常常佇我的面前。4 我所犯著的，就是得罪你若定；佇你的目矚前行此號歹，致到你講話的時顯明做義，判斷的時顯明公道。5 我是佇罪惡中生者，佇罪的中間我的老母懷孕我。6 你所愛的是心內誠實；佇我的腹內，你欲互我得著智慧。7 求你用牛膝草洗我，我就清氣；求你洗我，我就比雪卡白。8 求你互我得著聽見歡喜快樂的聲，互你所遏折的骨通歡喜。9 求你掩你的面無看我的罪，擦消我一切的罪惡。10 上帝啊，求你給我創造清氣的心，互我的內面有換新正直的神。11 毋通趕我，互我離開你的面；毋通對我收回你聖的神。12 求你互我猶原得著你救恩的快樂，賞賜我有自由的神來扶持我，

共同經課 - 3

以弗所書四章一節~十六節

1 所以我惦佇主做囚犯的勸恁：行代誌著合佇所受的召。2 凡事謙遜、溫柔、用吞悞，佇仁愛相寬容，3 用和平相結聯，致意守聖神所賞賜的合一。4 因為體一個，神一個，親像恁受召的向望也是一個。5 主一個，信一個，洗禮一個，6 上帝一個，做眾人的父，佇萬有的頂面，貫串佇萬有，惦佇萬有的。7 總是用恩典互咱逐人，是照基督恩賜的份量。8 所以講：伊升高的時，就掠許個受掠的，也將諸個恩賜分互人。(9 今既然講伊升高，豈毋是伊曾降落佇地下嗎？10 彼個降落的，就是彼個升高佇諸個天的頂面的欲充滿萬物。) 11 伊所賞賜的，有使徒，有先知，有傳福音的，有牧師及先生，12 為著欲互聖徒齊備來做差用的工，起造基督的身體，13 直到咱眾人佇信，以及識上帝的子來合一，到成一個完全的人，到得著基督的充滿來長成彼般，14 欲互咱無閣做囡仔，互逐樣教示的風搖出漂流，中著人的詭計及瞞騙，致到互人差謬的法術；15 是惦佇仁愛講話真實，互咱佇萬項漸漸大，到佇彼個做頭者，就是基督，16 對佇伊全身結合聯絡，就是對百節的相接應，照逐體該然的運動，致到身軀愈長大，佇仁愛家己起造。

共同經課 - 4

約翰福音六章二十四節~三十五節

24 眾人看見耶穌及伊的學生攏無佇遐，就搭彼幾隻船仔，到迦百農尋耶穌。25 已經抵著伊佇海的彼旁岸，就給伊講：「拉比，你甚麼時到遮？」26 耶穌應講：「我實實給恁講，恁諸個尋我，毋是因為看見神蹟，是因為食餅到飽若定。27 莫得為著會敗壞的米糧來著磨，著為著長長佇啲永活的米糧來著磨，就是人子所欲互恁的，因為伊是父上帝所蓋印的。」28 in 就對伊講：「阮著怎樣行，來做上帝的工？」29 耶穌應講：「信伊所差的，此個就是上帝的工。」30 in 給伊講：「你行甚麼神蹟，互阮看來信你啊；你行甚麼啊？」31 阮的祖佇曠野食嗎哪，照所記載講：『用對天來的餅互 in 食。』」32 耶穌給 in 講：「我實實給恁講，毋是摩西用對天來的餅互恁，就是我的父用對天來的真餅互恁。33 因為上帝的餅就是彼個對天落來，也用活命賞賜世間的。」34 in 就對伊講：「主啊，常常用此號餅互阮！」35 耶穌給 in 講：「我就是活命的餅。就近我的人，決斷袂朽；信我的人，永永袂嘴乾。」